

Statws Golwg cyfnod mewn amser fel yr oedd ar 20/02/2021. Mae'r fersiwn hon o'r hwn (hon) disodlwyd y ddarpariaeth. **Newidiadau i ddeddfwriaeth:** Mae newidiadau yn dal heb eu gwneud i Rheoliadau Diogelu Iechyd (Cyfyngiadau Coronafeirws) (Rhif 5) (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)

ATODLEN 2

Cyfyngiadau Lefel Rhybudd 2

RHAN 2

Cyfyngiadau ar drefnu digwyddiadau

Digwyddiadau awdurdodedig

- 5.—(1) Caiff Gweinidogion Cymru roi awdurdodiad ysgrifenedig i ddigwyddiad gael ei gynnal—
- Ile y mae mwy na 15 o bobl yn bresennol pan fo'r digwyddiad yn digwydd yn gyfan gwbl neu'n bennaf o dan do, neu
 - Ile y mae mwy na 30 o bobl yn bresennol pan fo'r digwyddiad yn digwydd yn gyfan gwbl neu'n bennaf yn yr awyr agored;
- (2) Nid yw'r cyfeiriadau yn is-baragraff (1) at niferoedd o bobl yn cynnwys personau o dan 11 oed na phersonau sy'n gweithio yn y digwyddiad neu sy'n darparu gwasanaethau gwirfoddol ynddo.
- (3) Caniateir rhoi awdurdodiad o dan is-baragraff (1) mewn perthynas â digwyddiad penodol neu ddisgrifiad penodol o ddigwyddiadau.
- (4) O ran awdurdodiad o dan is-baragraff (1)—
- rhaiddo gael ei roi i berson y mae Gweinidogion Cymru yn ystyried ei fod yn gyfrifol am drefnu'r digwyddiad, a
 - caiff ei gwneud yn ofynnol i'r digwyddiad gael ei gynnal yn unol ag unrhyw ofynion, unrhyw gyfyngiadau neu unrhyw amodau eraill a bennir gan Weinidogion Cymru.
- (5) Rhaid i Weinidogion Cymru gyhoeddi—
- awdurdodiad a roddir o dan is-baragraff (1), a
 - manylion unrhyw ofynion, unrhyw gyfyngiadau neu unrhyw amodau eraill a bennir gan Weinidogion Cymru mewn perthynas â digwyddiad sydd i'w gynnal o dan yr awdurdodiad.
- (6) Caiff Gweinidogion Cymru dynnu awdurdodiad yn ôl ar unrhyw adeg drwy roi hysbysiad ysgrifenedig i'r person y rhoddwyd yr awdurdodiad iddo.
- (7) Ni chaniateir i awdurdodiad gael ei dynnu yn ôl o dan baragraff (6)—
- onid oes gan Weinidogion Cymru sail resymol dros gredu na chaiff y digwyddiad ei gynnal, neu nad yw'n cael ei gynnal, yn unol â gofyniad, cyfyngiad neu amod arall a bennir ganddynt, neu
 - onid yw Gweinidogion Cymru yn ystyried ei bod yn angenrheidiol ac yn gymesur tynnu'r awdurdodiad yn ôl at ddiben atal, diogelu rhag, rheoli neu ddarparu ymateb iechyd y cyhoedd i fynychder neu ledaeniad haint gan y coronafeirws.

Gwybodaeth Cychwyn

- II** Atod. 2 para. 5 mewn grym ar 20.12.2020 (fel y diwygiwyd gan O.S. 2020/1610, rhl. 2(2)), gweler **rhl. 1(3)**

Statws

Golwg cyfnod mewn amser fel yr oedd ar 20/02/2021. Mae'r fersiwn hon o'r hwn (hon) disodlwyd y ddarpariaeth.

Newidiadau i ddeddfwriaeth:

Mae newidiadau yn dal heb eu gwneud i Rheoliadau Diogelu Iechyd (Cyfyngiadau Coronafeirws) (Rhif 5) (Cymru) 2020. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.